



**Meme, Ndi
Nganyi Bua
Mukelenge
Amfuile?**

Mulongolola kudi Watson Goodman

Bua Kupesha bantu tshianana

MEME, NDI NGANYI?

Mufuki wetu udi mutumanye muntu ne muntu. Wakatusokoluela malu a bungi mu Diyi diende dia tshiendelele. Mu Diyi diende tudi tulua kumanya 1) mutuakafukibua kudiye; 2) malu akalua kutukuata; 3) kudi malu aa atufikisha; ne 4) mutudi tulua kuikala patuitabuja bua Nzambi atusungile.

Bantu bakuabo kabena bamanye ne, Nzambi udi musue kuba-sungila. Bakuabo badi anu ne dimanya dikese dia bualu ebu, bakengela kubuyila. Bakuabo badi bapidia ne muoyo mukole lupandu ludi Nzambi musue kubapa. Bakuabo badi baluitabuja lubilu ne disanka; mbobo badi balua kujingulula kunyima ne, Yesu Kilisto wakubasungula bua bapete kunshikidilu kuimpe kua dikema!

Bua disungula dianyi, meme nkayanyi, ndi mvuija muoyo wanyi tshintu tshia tshianana, anyi tshintu tshia mushinga mupite bukole. Binasungula bua kubenga lupandu ludi Nzambi musue kumpesha, ndi mvuija muoyo wanyi tshintu tshidi tshikumbane anu bua kujimijibua kashidi. Binasungula bua kuitaba Nzambi ne ditumikila dia lulamatu, nengikale mu tshisumbu tshidibo babikila ne, Mukajiende musela ku nkuasa wende wa butumbi pamutu pa bifukibue bionso!

Neikale ne mukaji musela bua kushaleye nende tshiendelele

... ne bu mudi mubaki wa mukaji usanka bua mukajiende, Nzambi wenu neasanke bualu buenu. —Yeshaya 62:5b

Dituku adi bukelenge bua mu diulu nebuikale bu mishikan-kunde dikumi, yakangata minda yayi, yakaya kuakidila mubaki wa mukaji... Pakalua mundankulu, bakela mbila ne, Tangilayi, mubaki wa mukaji! Luayi kumua-kidila. —Matayo 25:1 ne 6

Kilisto — Mubaki wa Mukaji

Udi ne mukaji udi biende mubaki wa mukaji; kadi mulunda wa mubaki, pimaneye nende, patele-

jeye diyi diende, neatambe ku-sanka bualu bua diyi dia mubaki wa mukaji. —Yone 3:29a

Ndi ne mukawu bua bualu buenu bu mudi mukawu wa Nzambi; nakanubangisha kudi mulume umue bua meme mmanyeye mua kunufila bu mukaji utshidi kamama kudi Kilisto. —II Kolinto 11:2

Yesu wakabambila ne, Balunda ba mubaki wa mukaji badi banyeye mua kudila muadi patshidi mubaki wa mukaji nabo, anyi? Kadi matuku nealue abanyengabo mubaki wa mukaji, nebajila bia kudia matuku awu. —Matayo 9:15

BUA BUALU EBU NZAMBI WAKAFUKA BANTU MU TSHIFUANYIKISHI TSHIENDE

*Kakuena tshifukibue tshikuabo
tshikumbane bua kuikala
mukajiende musela*

Genese 1:27

Nzambi wakafuka muntu ne tshifuanyikishi tshiende; wakamufuka ne tshifuanyikishi tshia Nzambi; wakafuka balume ne bakaji.

Efeso 1:4

... bu muakatusunguleye munda muende diambedi yeye kayi muanze kufuka buloba, bua tuetu tuikale bantu ba tshijila badi kabayi mua kubandibua ku mesu kuende ne luse.

*Babanyanganyi ba bupianyi
bua Nzambi*

... bua milayi eyi nuenu nulue babanyanganyi nende ba muoyo wa bunzambi (II Petelo 1:4b). ... mumanyi wa makenga a Kilisto; ne muangatshi wa butumbi budi buamba kubuluibua (I Petelo 5:1b)... badi bangatshi netu ba mulayi mu Kilisto Yesu bualu bua Lumu Luimpe (Efeso 3:6b)... Wakatuvuisha bantu badi mua kuikala babanyanganyi ba bupianyi bua basanto bua munya (Kolosai 1:12b)... bua tuetu tuikale bangatshi ba tshijila tshiende (Ebelu 12:10b).

Genese 9:6b

Muntu . . . wakadi mufukibue ne tshifuanyikishi tshia Nzambi.

Bienzedi 17:24a, 25b, 26a, 27-29

Nzambi wakafuka buloba ne bintu bionso bidipu . . . bualu bua yeye mene utu wapa bantu bonso muoyo ne mupuya ne bintu bionso. Yeye kabidi wakafuka bisamba bionso bia bantu, bafuma mu muntu umue, bua kuikalabo pa buloba buonso . . . Wakenza nunku bua bakebe Nzambi, benda babubuta bua kumumonabo, kadi yeye kena netu kule kudi muntu ne muntu. Bualu bua mu Nzambi tudi ne muoyo, tudi tuendakana,

tudi tuikala; bu muakafunda bafundi benu bakuabo ne, Tuetu kabidi tudi bana bende. Bua tuetu tudi bana ba Nzambi nunku, kambimpe bua tuetu kuelangana meji ne, Nzambi udi bu ngolo anyi argent anyi dibue, tshidi tshisonga ne lungenyi ne meji bia bantu.

Adama, wakafukibua mu tshifuaanyikiji tshia Nzambi wakadi kumuenesha butumbi bua Nzambi

Matayo 17:2

Yesu . . . wakakudimuka ku mesu kuabo; mpala wende wakadi utema bu diba, bilulu bende biakatoka bu munya.

KUMUKA KU BUIMPE BUA KUYA KU BUBI NE KU MIDIMA

I Petelo 1:16

Bualu bua diyi didi difundibue ne, Nuenu nenuikale bua tshijila, bualu bua meme ndi wa tshijila.

Lomo 5:19

Ne bu muakavuishibua ba bungi bantu babi bua bupidia bua muntu umue, nunku ba bungi ne-bavuishibue bantu bakane bua kutumikila kua muntu umue.

Bualu bua mutshima udi upita bintu bionso kudinga muntu, wakanyanguka bibi; muntu kayi udi mumanye? —Yelemiya 17:9

Etshi ntshilumbu tshia bantu ne, Munya wakalua pa buloba,

kadi bantu bakasua midima, kabakasua munya, bua bienzedi biabo biakadi bibi. —Yone 3:19

Yehowa wakamona ne, Mibi ya bantu idi idiundadiunda munkatshi mua bantu ne meji a mu mitshima yabo akadi mabi matuku onso. —Genese 6:5

Bualu bua bonso bakenza malu mabi, ne badi bapanga kupeta butumbi kudi Nzambi. —Lomo 3:23

Tshiena mumanye kunuakufuma, buonso buenu benji ba malu mabi, umukayi kundi.

—Luka 13:27b

Bakanyanguka

Buonso buetu tuakulua bu muntu mubipa, ne bienzedi bietu biakane bionso biakulua bu tshivualu tshidi tshinyanguke. Buonso buetu tudi tufubidila bu danyi dia mutshi, ne malu mabi etu adi atumusha bu mudi lupepele lupepula mabeji. —Yeshaya 64:6

Badi ne lufu lua tshiendelele

Nunku, bu muakulua bubu pa buloba bualu bua muntu umue, ne bu muakulua lufu bua bubu abu, nunku lufu luakafika kudi bantu bonso, bua bonso bakenza malu mabi. —Lomo 5:12

Nembadile Nzambi malu anyi

Nunku, buonso buetu, muntu ne

muntu, neabadile malu ende kudi Nzambi. —Lomo 14:12

Ndi ne mulawu

Ke mudi bualu bubu bumue buakavuisha dipila kudi bantu bonso. —Lomo 5:18a

Kadi ndi mmona mukenji mukuabo mu mubidi wanyi udi uluangana ne mukenji wa mu meji anyi, ne udi umbueja mu bupika bua mukenji wa bubu udi mu mubidi wanyi. —Lomo 7:23

Bubu budi bututapulula ne Nzambi

Kadi malu mabi enu akulua pankatshi penu ne Nzambi wenu. —Yeshaya 59:2a

Pandi mu mubidi ewu, ndi bu dima, bisoso, anyi muishi wa kapia

Kadi Yehowa, wewe udi Tatu wetu; tuetu tudi anu dima, wewe udi bu mufuimbi wa ngesu; buonso buetu tuakuenjibua ku tshianza tshiebe. —Yeshaya 64:8

Ba pa buloba bonso badi bu bisoso, ne butumbi buabo buonso budi bu tshilonga tshia bisoso. Bisoso bidi bifubidila, ne tshilonga tshidi tshimata panshi.

—I Petelo 1:24

Kadi kanuena bamanye malu kayi neikaleku makelela. Muoyo wenu udi tshinyi? Nudi bu dibungi, didiku tshitupa tshipi, pashishe didi dijimina. —Yakabo 4:14

Ndi mua kupeta muoyo wa tshiendelele mu Kilisto

Muntu yonso udi ne muoyo, udi ungitabuja, kena ufua tshiendelele. —Yone 11:26

Muntu udi witabuja Muana wa Nzambi, udi ne bumanyishi munda muende, muntu udi kayi witaabuja Nzambi wakumuvuija muena mashimi, bualu bua kakuitabuja bumanyishi budi Nzambi umanyisha bualu bua Muana wende. Ne ebu mbumanyishi ne, Nzambi wakatupa muoyo wa tshiendelele, ne muoyo ewu udi munda mua Muanende.

—I Yone 5:10, 11

Misambu 24:7-8, 10

Ambulayi mitu yenu, bibi bia musoko, nuambudijibue, nuenu bibi bia kale, Mukelenge wa butumbi neabuele. Mukelenge wa butumbi nganyi? Yehowa udi ne bunene ne bukole buonso, Yehowa ngudi ne bukole mu mvita. Yehowa wa mu diulu, yeye udi Mukelenge wa butumbi.

I Timote 6:14b, 15b, 16

...ku dimueneka dia Mukelenge wetu Yesu Kilisto... Yeye udi Muena Bukole umuepele mutumbishibue, udi biende Mukelenge wa bakelenge ne mfumu wa bamfumu; anu yeye udi kayi mua kufua, udi wikala mu munya udi

bantu kabayi bamanye mua kufika kudiwu, udi muntu kayi muanze kumona kabidi; yeye ikale biende ne buneme ne bukole bua tshiendelele. Amen.

*Mukelenge ewu neikale Mukelenge
mu buloba bujima*

Zekaya 14:8, 9

Mu dituku adi mayi a muoyo neapatuke mu Yelushalema, tshitupa tshiawu ku mayi manene a ku esete ne tshitupa tshiabo ku mayi manene ku wesete; bualu ebu nebuikaleku mu tshidimu tshia munya ne mu tshidimu tshia mashika. Yehowa neikale Mukelenge wa buloba bujima; mu dituku adi diende dimue.

Matayo 25:31 ne 34

Palua Muana wa muntu mu butumbi buende ne banjelo bonso, neashikame mu nkuasa wa butumbi buende. . . Pashishe, Mukeleenge neambile badi ku tshianza tshiende tshia balume ne, Luayi, nudi nusankishibua kudi Tatu wanyi, nupiane bukelenge buakunulongoluelabo ku tshibangidilu tshia buloba.

Yone 18:36, 37

Yesu wakamukudimuna ne, Bukelenge buanyi kabuena bua pa buloba ebu, bu bukelenge buanyi buikale bua pa buloba ebu, bantu banyi bakadi kuluangana, tshifidibu mu bianza bia Bena Yuda;

kadi katataka bukelenge buanyi kabuena bua kunoko. Pilato wakamukonka ne, Apu wewe mukeleenge, anyi? Yesu wakamba ne, Buudi wamba mbulelela, ndi Mukelenge. Nakuledibua bua bualu ebu, ne bua kuamba malu malelela. Muntu yonso wa bulelela udi umvua diyi danyi.

Mako 14:61, 62

Kadi yeye wakapuwa, kakamba diyi. Muakuidi munene wakamukonka ne, Wewe udi Kilisto, Muana wa Mutumbe, anyi? Yesu wakamba ne, Mmeme neumone Muana wa muntu mushikame ku tshianza tshia balume tshia Bukole, ulua biende ne matutu a mu diulu.

Ebelu 1:8

Kadi bua Muana yeye udi wamba ne, Nzambi, nkuasa webe wa bukelenge udiku too bikondo ne bikondo, ne dikombo dia buakane ndikombo dia bukelenge buebe.

Daniele 4:37

Katataka meme Nebukadenesa, ndi ntumbisha, ndi nganyisha, ndi nnemeka Mukelenge wa mu diulu; bualu bua malu ende onso adi malelela, ne bienzedi biende bidi biakane; yeye udi mua kukepesha badi bendekana mu dipetu diabo.

Efeso 1:18, 19

Ne bua yeye anumunyikile mesu a mu mitshima yenu, bua nuenu kumanya didi ditekemena dia

kunubikila kuende, ne budi bubanji bua butumbi bua bupianyi buende mu basanto, ne bua nuenu kumanya budi bunene bupita bua bukole buende kutudi tuetu badi bamuitabuja. Wakateleja bu mudi kuenzeja kua bukole buende bunene.

Matayo 18:3, 4

Wakamba ne, Bulelela, ndi nuambila ne, Binuikala kanuyi nukudimuna mitshima yenu, binuikala kanuyi nulua bu bana bakese, kanuena nubuela mu bukelenge bua mu diulu bulelela. Wadipuekesha bu muana ewu mukese, yeye udi mutambe bakuabo mu bukelenge bua mu diulu.

Yone 17:2

Bu muwakumupa bukole bua kukokeshia bantu bonso bua kupyeye bonso bawakumupa muoyo wa tshiendelele.

I Petelo 3:22

Udi ku tshianza tshia bukole bua Nzambi, mumane kubuela mu diulu, banjelo ne makokeshi, ne makole biakavuijibua ku nyima kuende.

Efeso 1:20-23

Buakuenzeye mu Kilisto paka-mubisheye ku bafue ne paka-mujikikeye ku tshianza tshiende tshia bukole mu miaba ya mu diulu, kule ku mutu kua bumfumu buonso ne bukokeshi buonso ne

bukole buonso ne bukelenge buonso ne dina dionso ditedibua kenganu mu tshikondo etshi kadi mu tshikondo tshilualua kabidi. Wakavuija bintu bionso munshi mua makasa ende, wakamupa bua kuikaleye mutu wa malu onso a mu ekeleziya, udi mubidi wende tshiuwidi tshia udi uja bintu bionso tente.

Yone 2:24, 25

Kadi Yesu kakaditeka mu bianza biabo, bualu bua yeye wakamanya bantu bonso, ne bua yeye kakadi ne bualu bua muntu amuambile malu a bantu; yeye mene wakadi mumanye malu a munda mua bantu.

Buakabuluibua 5:12b

Muana wa Mukoko wakushipibua udi ne buakane bua kuangata bukole ne bubanji ne meji, ne bukole ne bunene ne butumbi ne disankisha.

Matayo 28:18

Yesu wakalua kudibo, wakabambila ne, Bakumana kumpa bukokeshi buonso mu diulu ne mu buloba.

I Kolinto 8:6

Kadi ku mesu kuetu Nzambi umue udiku, Tatu mene; bintu bionso biakafuma kudiye, ne tuetu tudiku bua bualu buende; Mukelenge umue, Yesu Kilisto, bintu

bionso mbua bualu buende ne tuetu tudi bua bualu buende kabidi.

Buakabuluibua 11:17

Bamba ne, Tudi tukusakidila, Mukelenge Nzambi wa Bukole Buonso, udiku ne wakadiku; bualu bua wewe wakuangata bukole buebe bunene, ne wakakokeshi.

Kolosai 2:2, 3

Bua mitshima yabo isambibue, bobo basuikakaja ku luse too ne ku bubanji buonso bua kumanya kujalama kua dijingulula diabo, bua bobo bamanye buimpe bualu bua Nzambi buakadi busokoka, nKilisto mene. Munda muende mudi musokoka bibutshidibue bionso bia meji ne bia lungenyi.

Nganyi muntu udi kayi ne bualu bua kukutshina, wewe Mukelenge wa bisamba bionso? Malu onso adi bualu buebe; bualu bua kakuena mukuabo bu wewe munkatshi mua bena meji ba mu bisamba bionso ne mu butumbi buabo bonso. . . . Kadi Yehowa udi Nzambi mulelela, Nzambi wa muoyo ne Mukelenge wa tshindelele. —Yelemiya 10:7 ne 10a

Bakelenge ba pa buloba badi badijadika, ne bakokeshi ba bantu badi batungila Yehowa ne wakuleye manyi pa mutu tshitungu, bamba ne, Tusulule nkanu yabo tumushe mioji yabo pambidi petu.

Yeye udi mushikame mu diulu neaseke. Mukelenge neabalengele. . . . Kadi nakajadika Mukelenge wanyi pamutu pa mukuna wanyi Siona unakajidila. Nengambile bantu mukenji wende; Yehowa wakungambila ne, Wewe udi muananyi, nakakulela lelu ewu. Undombe, nenkupe bantu ba bisamba bia patupu bu bupianyi buebe, ne ba kunfudilu kua buloba bu bintu biebe.

Misambu 2:2-4 ne 6-8

Yeye neikale ne bukokeshi ku mayi manene too ne ku mayi manene makuabo, ne ku Musulu wa Pelata too ne kunfundila kua buloba —Misambu 72:8

Meme nYehowa; adi ndina dia-nyini, tshiena mpa mukuabo butumbi buanyi; tshiena mpa mpi-ngu yakasongabo kutendelela kuanyi. —Yeshaya 42:8

Bualu bua Yehowa udi Nzambi munene, udi Mukelenge munene pamutu pa nzambi yonso mikua-bo. —Misambu 95:3

Pashishe, tshimanyinu tshia Muana wa muntu netshimueneke mu diulu; bisamba bionso bia pa buloba nebidile, nebimone Muana wa muntu ulua pa matutu a mu diulu ne bukole buende ne butumbi buende bunene. —Matayo 24:30

Wewe, Mukelenge wetu ne Nzambi wetu, udi muakane bua kuangata butumbi ne buneme ne bukole; bualu bua wewe wakafuka bintu bionso, ne bualu bua disua diebe biakadiku, ne biakafukibua. —Buakabuluibua 4:11

Udi upa tshitupa tshia butumbi buende kudi Mukajiende

Nakabapa butumbi buwaku-mpa bua kuikalabo bamue bu mutudi bietu bamue. —Yone 17:22

Bualu bua ndi mbala makenga a mu tshikondo etshi ne, Kaena makumbane bua kuelekeshibua ne butumbi budi buamba kumuene-shibua kutudi. —Lomo 8:18

Yeshaya 9:7a

Kakuena kumfudilu kua bukokeshi buende ne ditalala diende.

Yeshaya 45:9a ne 10-13a

Udi utandangana ne Mufuki wende udi ne mulawu... Udi ukonka tatu wende ne, Udi ulela tshinyi? Udi ne mulawu. Udi ukonka mukaji ne, Udi ne kanyinganyinga bua tshinyi? Udi ne mulawu. Yehowa, wa Tshijila wa mu Isalele, ne Mufuki wabo ne, Nungebeshe bua malu adi kayi manji kulua; nungambe malu a bana banyi balume ne bana banyi bakaji ne a bintu binakafuka. Nakafuka buloba ne bantu badimu; nakavunga diulu; na-

kuelela bintu bia biadi bionso mikenji. Nakamubisha mu buimpe buanyi, nemululamijile njila yende yonso

Danyele 7:14

Bakamupa bukokeshi ne butumbi ne bukelenge bua bantu ba mu bisamba bionso ne ba miaku yonso bakukuatshila mudimu; bukokeshi bua tshiendelele budi kabuyi bujimina ne bukelenge buende budi kabuyi bubutudibua.

Itabujayi bukokeshi buende!

Misambu 72:11

Bulelela, bukelenge bonso ne bamukukuile: ba mu bisamba bionso ne bamukuatshile mudimu.

MFUMU WA BUTUMBI WAKAFUMA BUA BUALU BUANYI! 15

*Lufu luende ne dibika diende
biakamanyibua kumpala*

Matayo 20:18, 19

Umvuayi, tudi tubanda ku Yelushalema; nebafile Muana wa muntu mu bianza bia bakuidi banene ba Nzambi ne bia bafundi; bobo nebamupishe ne lufu, nebamufile mu bianza bia bantu ba mu bisamba bia bende, bamuseke, bamukume, bamushipe ku mutshi mutshiamakane; kadi papita matuku asatu yeye neabishibue.

*Bubi budi bualu bukole ku mesu kua
Nzambi bua kukengela dilongolola
dia nunku*

Bualu bua Kilisto wakafua musanga umue bua malu mabi, mu-

ntu muakane wakafuila bantu babi bua kulua netu kudi Nzambi; wakashipibua mubidi wende, kadi wakavuishibua muoyo mu nyuma wende. —I Petelo 3:18

... Mukelenge wetu Yesu Kilisto, wakadifila bua malu mabi etu bua yeye atusungile munkatshi mua tshikondo etshi tshibu mudi disua dia Nzambi Tatu wetu. —Galatia 1:3b, 4

Bualu bua kuamba bua mutshi mutshiamakane kudi bualu bu-pote kudi bantu batshidi bajimine; kadi kudi bukole bua Nzambi kudi tuetu batshidi basungidibua. —I Kolinto 1:18

Efeso 2:13

Kadi katataka mu Kilisto Yesu nuenu bakadi kule diambedi nuakavuishibua pa buipi mu mashi a Kilisto.

Ebelu 10:19, 20a

Nunku, bana betu, bualu bua tudi ne dikima dia kubuela mu muaba wa tshijila bua mashi a Yesu, mu njila wakatujidileye, njila mupiamupia ne wa muoyo.

...ku mashi a dipungila dia tshiendelele. —Ebelu 13:20b

I Petelo 2:6b, 7a

Tangilayi, ndi nteka mu Siona dibue dinene dia mu ditumba dia nzubu, disungula ne dia mushinga mukole; Weyemena

kudidi kena ufuishibua bundu. Nunku mushinga mukole wadi udi kunudi badi bamuitabuja.

Kolosai 1:20b

...yeye mumane kuvuija ditalala ku mashi a ku mutshi wende mutshiamakane

II Timote 3:15

Ku buana buebe wewe wakumanya Mukanda wa Nzambi, udi manye mua kukuvuija muena meji too ne ku lupandu luakulua bua ditabuja dia mu Kilisto Yesu.

Yesu udi ukeba bajimine

Luka 19:10

Bualu bua Muana wa Muntu wakuluila bua kukeba ne bua kusungila tshidi tshijimine.

*Nakadi muinshi wa mulawu wa
lufu lua tshiendelele*

Yehezekele 18:4b

... Mutshima wa muntu udi
wenza bualu bubu neufue.

Nunku, bu muakalua bubu pa
buloba bualu bua muntu umue, ne
bu muakalua lufu bua bubu abu,
nunku lufu luakafika kudi bantu
bonso, bua bonso bakenza malu
mabi. —Lomo 5:12

Bualu bua difutu dia bubu
ndufu. —Lomo 6:23a

*Lufu luakapitshibua bukole bua
bualu buanyi*

II Timote 1:8-10

Nunku kufuishibu bundu ku

mesu bua bumanyishi bua Muke-
lunge wetu... kadi ukenge nanyi
bua Lumu Luimpe bu mudi bu-
kole bua Nzambi; wakatusungila,
wakatubikila ne dibikila dia tshi-
jila, kembu mudi midimu yetu mi-
mpe, kadi bu mudi disungula die-
nde mene ne ngasa, wakatupeye
mu Kilisto Yesu diambedi biko-
ndo bia tshiendelele kabiyi bianze
kuikalaku. Kadi katataka waka-
mueneshibua bualu bua dimuene-
ka dia Musungidi wetu Kilisto
Yesu, wakajimija lufu, wakamue-
nesha muoyo wa tshiendelele ne
udi kawiyi mua kunyanguka mu
munya, bualu bua Lumu Luimpe.

18 MUKELENGE WAKAPETALA LUPANDU BUA BONSO BADI BALUJINGA NE MUTSHIMA MULELELA

I Kolinto 15:3b

Kilisto wakafuila bua malu mabi etu, bu mudi Mukanda wa Nzambi wamba.

Bienzedi 20:29b

... ekeleziya wa Mukelenge wakasumbeye ku mashi ende.

Yone 10:11

Ndi mulami muimpe wa mikoko; mulami muimpe udi ufuila mikoko.

II Petelo 3:9

Mukelenge kena ujanguluka bua kushikisheye milayi yende, bu mudi bakuabo babala dijangu-luka; kadi udi nenu lutulu, kena musue umue wenu ajimine, kadi

udi musue bonso balue kukudi-muna mitshima yabo.

II Kolinto 5:15

Ne yeye wakafuila bonso bua badi ne muoyo kabikadi nawu bua bualu buabo nkayabo, kadi bikale nawu kudi yeye wakafua ne waka-bika ku lufu kabidi bua bualu buabo.

Bienzedi 10:43

Baprofete bonso badi bamba bualu buende ne, Muntu yonso wamuitabuja neangate dijimija dia mibi mu dina diende.

Yelemiya 29:13

Nenunkebe, nenumpete, panua-nkeba ne mitshima yenu yonso.

Nzambi, nkuasa webe wa bukelenge udiku tshiendelele; dikombo dia bukelenge buebe ndikombo dia malu mimpe. Wewe wakusua malu mimpe, udi ne malu mabi tshiji. —Misambu 45:6, 7a

Kanuena bamanye ne, Bantu babi kabena bapiana bukelenge bua Nzambi, anyi? —I Kol. 6:9a

Bualu bua badi balonda malu a mubidi badi bateka meji abo ku malu a mubidi; badi balonda Nyuma badi bateka meji abo ku malu a Nyuma. Bualu bua meji mateka ku malu a mubidi adi lufu, kadi meji mateka kudi Nyuma adi muoyo ne ditalala. Bua meji mateka ku malu a mubidi adi ne

Nzambi lukuna, kaena manze ku dipuekesha muinshi mua mikenji ya Nzambi; bualu bukuabo kabidi, kena ne bukole bua kuenza nunku. Badi bikale mu malu a mubidi kabena bamanye mua kusankisha Nzambi. Kadi nuenu kanuena nukala mu malu a mubidi, nudi nukala mu malu a Nyuma bikala Nyuma wa Nzambi munda muenu. —Lomo 8:5-9

Nuenu, bena masandi, kanuena bamanye ne, Bulunda bua malu a pa buloba budi ne Nzambi lukuna, anyi? Nunku muntu yonso wasua kuikala mulunda wa malu a pa buloba, udi udivuija muena lukuna kudi Nzambi. —Yakabo 4:4

20 MUNYI MUTUDI MUA KUITABUJIBUA KUDI MUKELENGE?

Nsumuinu 28:13

Wabuikila malu mabi ende kena upeta diakalengela, kadi watonda, walekela, neafuidibue luse.

I Yone 4:16

Ne tuetu tudi bamanye ne tua-kuitabuja dinanga didi Nzambi nadi bua bualu buetu. Nzambi udi dinanga; ne utu wikala mu dinanga utu wikala mu Nzambi ne Nzambi utu wikala munda munde.

Bienzedi 8:36, 37a

Pakadibo baya mu njila, bakafika ku mayi; muntu mutungula wakamba ne, Apu ku mayi aa, tshidi tshimpumbisha bua kubatijibua ntshinyi? Filipino wakamba

ne, Biwitabuja ne mutshima webe wonso, udi mua kubatijibua.

Yone 1:12a

Yeye wakapa bonso bakamuitabuja bukole bua kuluabo bana ba Nzambi.

Yone 13:20b

... wangitabuja meme neitabuje wakuntuma.

I Kolinto 2:5

Bua ditabuja dienu kadikadi ne meji a bantu, kadi dikale mu bukole bua Nzambi.

Yone 8:31

Yesu wakambila Bena Yuda bakuitabuja diyi diende ne, Binuashala mu diyi dianyi, nudi bayidi banyi bulelela.

Efeso 3:19

Ne bua kumanya mudi dinanga dia Kilisto didi ditamba lungenyi lua bantu kudimanya, bua nuenu nuule tente ne tshiuwidi tshionso tshia Nzambi.

Lomo 8:10

Bikala Kilisto munda muebe, mubidi udi mufue bualu bua bubi, kadi nyuma udi ne muoyo bualu bua buakane.

Yone 10:26-28

Kadi nuenu kanuena nuitabuja, bualu bua kanuena ba mu mikoko yanyi. Mikoko yanyi idi yunvua diyi dianyi, ndi muyimanye, idi indonda; ndi nyipa muoyo wa tshie-

ndelege; kayena ifua tshiendelege, kakuena mukuabo udi uyinyenga mu tshianza tshianyi.

II Timote 1:12

Bua muanda ewu ndi nkenga makenga aa kabidi, kadi bundu kabuena bunkuata ku mesu; bua ndi mumumanye, yeye unakuita-buja, ne nakuitabujishibua ne yeye udi ne bukole bua kulama tshintu tshianyi tshiteka too ne dituku diadia.

I Petelo 4:19

Nunku bantu badi bakenga bu mu disua dia Nzambi bafile mioyo yabo mu kuenza kua malu mimpe kudi Mufuki udi wa kueyemenyi-bua.

MULEDIBUE TSHIAKABIDI, UDI MUA KUENZELA MUKELENGE MUDIMU

I Yone 5:5

Nganyi muntu udi upita malu a pa buloba bukole? Anu yeye, udi witabuja ne, Yesu udi Muana wa Nzambi.

Yone 8:32

Nenumanye kabidi bualu bulelela, ne bualu bulelela nebunupe budishikaminyi.

Lomo 6:18 ne 22

Panuakupikudibua ku bubu, nuakavuijibua bapika bua bua-kane. . . . Kadi katataka panuakapikudibua ku bubu, ne panuavuijibua bapika ba Nzam-

bi, nudi ne mamuma enu a ku dijidila dienu; kunshikidilu kua malu awu mmuoyo wa tshiendelele.

II Kolinto 3:17

Mukelenge udi Nyuma, ne padi Nyuma wa Mukelenge padi budishikaminyi.

Yone 8:36

Bianupa Muana budishikaminyi, nenuikale budishikamine bulelela.

Bienzedi 22:15

Bua wewe wikale mumanyishi wende kudi bantu bonso wa malu awakutangila ne awakumvua.

Buakabuluibua 1:5b, 6

... Kudi yeye udi utunanga, ne wakatuvua ku mibi yetu mu mashi ende mene; ne wakatuvuija bakelenge ne bakuidi kudi Nzambi wende udi kabidi Tatu; kudi yeye mene kuikale butumbi ne bukokeshi too ne tshiendelele.

I Kolinto 6:9-11

Kanuena bamanye ne, Bantu babi kabena bapiana bukelenge bua Nzambi, anyi? Kanudingibu; bena tshiendenda, anyi bena mpi-ngu, anyi bena masandi, anyi badijiji bu bakaji, anyi balume badi benzelangana malu a bundu, anyi bibi, anyi bena lukuka lua bintu, anyi bakuatshiki ba malu-

vu, anyi bapendanganyi, anyi banyengi ba bintu, kabena bapiana bukelenge bua Nzambi. Bakuabo benu bakadi nunku; kadi nuaku-vuibua, nuakajidibua, nuakabi-ngishibua mu dina dia Mukelenge Yesu Kilisto, ne mu Nyuma wa Nzambi wetu.

I Kolinto 6:2

Kuena bamanye ne, Bansanto nebalumbuluishe ba pa buloba, anyi?

Muaba wa butumbi

Yone 17:21a

Bua buonso buabo bikale bamue; Tatu, bu muudi munda muanyini ne meme munda muebe bobo kabidi bikale munda muetu . . .

24 MULEDIBUE TSHIAKABIDI BUA KUIKALA NE BUOBUMUE NE NZAMBI

Misambu 145:18

Yehowa udi pa buipi ne bonso badi bamubikila; badi babikila dina diende mu bulelela.

II Kolinto 6:16

Ntempelo wa Nzambi udi upunga diyi kayi ne mpingu? Bualu bua tuetu tudi bu ntempelo wa Nzambi udi ne muoyo; bu muakamba Nzambi ne, Nenuikale munda muabo, nengendakane munda muabo; nengikale Nzambi wabo ne bobo nebikale bantu banyi.

I Petelo 4:13

Kadi bualu bua nudi babanyanganyi ba makenga a Kilisto, nusanke; bua nuenu nusanke ka-

bidi ne disanka dinene ku dibuluibua dia butumbi buende.

Bulelela buobumue buetu budi ne Nzambi ne Muanende Yesu Kilisto. —I Yone 1:3b

Pawapitshila mu mayi, nengikale nebe; pawapitshila mu misulu, mayi kayena mapite pa mutu pebe; pawendekana mu kapia, kakena kakuosha kakena katema pambidi pebe. —Yeshaya 43:2

Meme munda muabo, wewe munda muanyi bua bobo kuikala bamue bulelela; bua ba pa buloba bamanye ne, Wewe wakantuma; wewe udi mubasue bu muudi munsue meme. —Yone 17:23

DIUMVUANGANA DIDI PANKATSHI PA KILISTO NE BENA 25
KUITABUJA BA BULELELA

Yone 14:20

Mu dituku adi nenumanye ne,
Meme ndi munda mua Tatuanyi,
nuenu nudi munda muanyi, meme
ndi munda muenu.

*Mukenji wende wa kunshikidilu
udi dibanza dietu dia kumpala*

Buakabuluibua 22:17a

Nyuma ne mukaji musela badi
bamba ne, Lua.

Matayo 28:19, 20

Bualu bua meme ndi ne buko-
keshi ebu, Yayi bienu, nuvuishe
ba bisamba bionso bayidi, nuba-
batize mu dina dia Tatu ne mu
dia Muana ne mu dia Nyuma
Muimpe; nubayishe mua kuenza

malu onso anakanuambila; ne
monayi, ndi nenu matuku onso
too ne kunshikidilu kua tshikondo
etshi.

*Buakane bua bansanto budi
buakane bua Kilisto munda muabo*

Kolosai 1:27

Kudibo kuakasua Nzambi kuba-
manyisha budi bubanji bua bu-
tumbi bua bualu ebu busokoka
munkatshi mua bisamba bia
bende, budi Kilisto munda mue-
nu, ditekemena dia butumbi.

Lomo 10:4

Bualu bua Kilisto udi kunde-
kelu kua mikenji too ne ku bua-
kane kudi yonso udi witabuja.

I Petelo 1:3

Batumbishe Nzambi udi kabidi Tatu wa Mukelenge wetu Yesu Kilisto, Nyeye wakatulela tshiakabidi bu mudi luse luende lune, bua kutupeye ditekemena didi ne muoyo bua dibika dia Yesu Kilisto dia ku bafue.

Efeso 2:4-7

Kadi Nzambi, udi mubanja mu luse, bualu bua dinanga diende diene diakatunangeye nadi, patuakadi bafue bualu bua kushipa kuetu kua mikenji, wakatuvuija ne muoyo pamue ne Kilisto (nuaka-sungidibua ku ngasa), wakatubisha nende pamue, wakatushikika

nende pamue mu miaba ya mu diulu mu Kilisto Yesu; bua mu bikondo bilualua yeye aleje bubanji butambe bua ngasa wende mu luse ludiye nalu kutudi mu Kilisto Yesu.

Ebelu 4:16

Nunku, tusemene ne dikima pepi ne nkuasa wa butumbi wa ngasa, bu tuetu tupete luse ne bua kusangana ngasa bua kutukuatshisha mu tshikondo tshia dikelenga dietu.

Lomo 3:24

Badi babingishibue anu patupu ku ngasa wende bualu bua dipikula didi mu Kilisto Yesu.

Kadi pakakumbana tshikondo, Nzambi wakatuma Muanende, muledibue kudi mukaji, muledibue muinshi mua mikenji, bua ye-ye amanye mua kupikula badi muinshi mua mikenji, bua tuetu tuangate bupianyi bua bana ba Nzambi. —Galatia 4:4, 5

Tangilayi mushindu wa dina-nga diakutupa Tatu bua tuetu tubikidibue ne, Bana ba Nzambi. —I Yone 3:1a

Bapianyi Ba Nzambi

Galatia 4:6, 7

Ne bualu bua nudi bana, Nzambi wakatuma Nyuma wa Muanende mu mitshima yetu, wela diyi diende ne, Aba, Tatu.

Nunku wewe kuena mupika kabidi, kadi udi muana mulela; ne bi-wikala muana mulela, nunku udi mupianyi bua bualu bua Nzambi.

Udi upita bukole neapiane bintu ebi; meme nengikale Nzambi wende, ne yeye neikale muana-nyi. —Buakabuluibua 21:7

Ne bituikala bana, tudi bapianyi kabidi; bapianyi ba Nzambi, ne bapianyi tshiapamue ne Kilisto: bituakenga nende, mbua tuetu tutumbishibue nende.

—Lomo 8:17

Binuikala ba Kilisto, nunku nudi tunkanunuinu tua Abalaha-ma. Nudi bapianyi bende bu mudi mulayi wamba. —Galatia 3:29

Tudi bamanye kabidi ne, Malu onso adi akuatshishangana bua kuvuija diakalengele kudi bantu badi bananga Nzambi, kadi badi babikidibue bu mudi disungula diende. Bua bantu bakadianjileye kumanya diambedi yeye wakadianjila kubasungula kabidi, bua kuikalabo bafuanyikijibue mu tshifuanyikiji tshia Muanende, bua yeye ikale muan'a bute munkatshi mua bana babo ba bungi.

—Lomo 8:28, 29

Kukuatshila Bakuabo

Mudimu bu Kilisto

... meme ndi munkatshi muenu bu muena mudimu. —Luka 22:27b

Tubuikilangane Mibi

...Yesu wakamba ne, Tatu

ubabuikidile bubi buabo, kabena bamanye bualu budibo benza.

—Luka 23:34a

Tuikale ne Kalolo ne Lutulu

Meme Paulo, ndi nnusengelela bua kalolo ne lutulu bia Kilisto.

—II Kolinto 10:1a

Tuende mu Dinanga dia Kilisto

Nakunusua bu muakunsua Tatu, shalayi mu dinanga diende.

—Yone 15:9

Tutangalajayi Lumu

Luimpe Kuonso

Yesu wakabambila kabidi ne, Ditalala dikale kunudi; bu muakuntuma Tatu, nunku mundi nnutuma. —Yone 20:21

Bua nuenu nuende bakananga-
ne ne Nzambi, udi unubikila bua
nuenu kubuela mu bukelenge bue-
nde ne mu butumbi buende.

—I Tesalonike 2:12

Muntu yonso udi uya kumpala
ne udi kayi muikale mu diyisha
dia Kilisto kena ne Nzambi; kadi
utu wikala mu diyisha dia Kilisto,
yeye udi ne Tatu ne Muana
kabidi.

—II Yone 9

*Kilisto Neikale ne Mukaji Musela
Udi Kayi Mua Kumujimina Kashidi*

Muntu yonso udi ulua kundi,
udi umvua meyi anyi, udi wênza,
nennuleje udiye mufuanangane
nende; yeye udi mufuanangane ne
muntu wakadi muibake nzubu,

wakimba mutubu mule, wakateka
bishimikidi pamutu pa dibue di-
nene; pakuula musulu, wakakuma
ku nsubu, kawakamanya mua ku-
mutshikisha, bualu bua wakadi
muibaka bimpe. —Luka 6:47, 48

Muntu udi utantamana mu ma-
teyi udi ne disanka; bualu bua pa-
kamanabo kumujadika, neangate
tshifulu tshia butumbi tshia muo-
yo tshiakalaya Mukelenge badi
bamunanga. —Yakabo 1:12

Tudi Tujinga Kupetangana Nende

Patudi tuindila ditekemena die-
tu dia disanka, ne dimueneka dia
butumbi bua Nzambi munene ne
Musungidi wetu, Yesu Kilisto.

—Tito 2:13

I Kolinto 2:5

Bua ditabuja dienu kadikadi mu meji a bantu, kadi dikale mu bu-kole bua Nzambi.

Efeso 2:10

Tuetu tudi mudimu wende wakenzeye, tuakafukibua mu Kilisto Yesu bua tuetu tuenza midimu mimpe yakadianjila Nzambi kulonglola bua tuetu kuendamu.

Efeso 3:20, 21

Tudi tuibakibua pamutu pa bapostolo ne baprofete, bu bishimikidi bia nzubu; Kilisto Yesu nka-yende udi dibue dinene dia ku ditumba dia nzubu; bitupa bionso bia nzubu bilungakaja bimpe bidi

bidiundadiunda too ne paluabi ntempelo wa tshijila mu Muke-lenge.

*Netuikale mu Mulongo wa Muntu
Mukole, Buujibue tente ne
Buakane Buende*

Efeso 4:13

Too ne patuapeta buonso buetu buobumue bua ditabuja ne bua kumanya kua Muana wa Nzambi, too ne patuafika ku mulongo wa muntu mukole, too ne ku luidi lua dikola didi mu tshiuwidi tshia Kilisto.

Kolasai 2:10

Ne nuenu nudi nuujibua tente munda muende udi mutu wa makelenge onso ne makokeshi onso.

*Bualu Kayi padi Banjelo Bapite
Bungi Bamutumbisha, Yeye Udi
Uteka Dinanga Diende Kudi Bantu
Babi Badi Bamutombokela?*

Ebelu 1:6

Ne kabidi, pakalueye ne muan' a
bute pa buloba, yeye udi wamba
ne, Banjelo bonso ba Nzambi ba-
mutendelele.

Lomo 12:5

Tudi mubidi umue musangila
mu Kilisto, ne kudi muntu ne
muntu, tudi tuikalangana bu
bitupa bia bakuabo.

Lomo 7:4b

... Nuenu kabidi nuakashi-
pia ku mikenji bua mubidi wa
Kilisto, bua nuenu kuikala kudi

mukuabo, yeye mene wakabishi-
pia ku lufu, bua tuetu tukuamine
Nzambi mamuma.

... Disanka diende diakadi mu-
nkatshi mua bantu.

—Nsumuinu 8:31b

*Mukaji Musela Udi Upeta
Muoyo Kudiye*

Udi ne Muana udi ne Muoyo;
udi kayi ne Muana wa Nzambi
kena ne muoyo. —I Yone 5:12

*Nzambi Udi ne Dinanga Diende
Dionso Kudi Mukaji Musela*

Yeye kakimina Muanende
mene, kadi wakamufila bua buo-
nso buetu, nunku munyi muapi-
dieye kutupa nende kabidi bintu
bionso patupu? —Lomo 8:32

*Badi Nende Pa Nkuasa Wende
Wa Butumbi*

Buakabuluibua 3:21

Udi upita bukole nemupe bua kushikameye nende mu nkuasa wa butumbi, bumunakatamba bukole ne munakashikama ne Tatuanyi mu nkuasa wende wa butumbi.

*Musoko wa Mukelenge ne
Mukajiende*

Ebelu 11:16

Kadi katataka badi bajinga muaba mutambe buimpe, udi muaba mene mu diulu; nunku Nzambi kena ufua bundu bua bua-

lu buabo bua kumubikilabo Nzambi wabo, bualu bua wakabalongoluela musoko.

Buakabuluibua 21:2

Nakatangila musoko wa tshijila Yelushalema mupiamupia, upueka mulupuke mu diulu kudi Nzambi, muikale mulongolola bimpe bu mukaji mulengejela mulume wende.

Buakabuluibua 22:14

Disanka didi kudi badi buvua mayeka abo, bua bobo bikale ne bukokeshi bua kuluabo ku mutshi wa muoyo, ne bua kubuela ku bibi bia munda mua musoko.

Binuikala kanuyi bikale mua kueyemenyibua panuakadi ne mamonamabi, wateka biuma bilelela mu bianza bienu nganyi?

—Luka 16:11

Nudi bamanye ngasa wa Mukelelengewetu Yesu Kilisto ne, Yeye wakadi mubanja, kadi wakalua mupele bua bualu buenu, bua nuenu nulue babanji ku bupele buende.

—II Kolinto 8:9

Umvuayi, bana betu bananga, Nzambi kakasungula bapele ba mu bintu bia pa buloba bua kikalabo babanji mu ditabuja ne bapianyi ba bukelenge buakalayeye badi bamunanga, anyi?

—Yakabo 2:5

*Biuma dia pa Buloba Bidi mua
Kutulenduisha*

Udimuje bantu badi babanji mu tshikondo tshia mpindiewu bua bobo kabadisu, kabateki ditekemenadiabo kudi bubanji budi mua kujimina tshitupa tshipi; kadi batekemene Nzambi, udi utupa bintu bionso bivula bua tuetu kusanka nabi; bobo benzela bakuabo bimpe, bikale ne bubanji bua bienzedi bimpe; badilongolole bua kupangana bintu; basue kikalane bakuabo luse; badibutshile bidi bitekebua bimpe bua matuku alualua, bua bobo balamate muoyo udi muoyo wa bushuwa mene.

—I Timote 6:17-19

Filopoi 3:21

Yeye neakudimune mibidi ya bupuekele buetu bua kufuananganyai ne mubidi wende wa butumbi, bu mudi kuenza kuende kudiye mumanye mua kuvuija naku bintu bionso kunyima kuende.

Bienzedi 20:32

Katataka ndi nnufila mu bianza bia Nzambi ne mu diyi dia ngasa wende didi dimanye mua kunundiundisha ne mua kunupa bupianyini munkatshi mua bonso badi balengejibue.

Kolosai 1:12, 13

Nusakidile Tatu, wakatuvuisha bantu badi mua kuikala babanya-

nganyi ba bupianyini bua bansanto bua mu munya; Nyeye wakatupandisha ku bukokeshi bua midima, wakatubueja mu bukelenge bua Muana wa dinanga diende.

Kolosai 3:4

Pamueneshibua Kilisto udi muoyo wetu pashishe nuenu kabidi nenumueneshebue nende mu butumbi.

Efeso 3:8

Kundi meme, udi mutambe bansanto bonso kupuekela, bakampa ngasa ewu bua meme kumbila ba bisamba bia bende bua bubanji bua Kilisto budibo kabayi bamanye mua kubuidikija.

Witabuje bua bonso badi baku-keba, basanke bualu buebe; ne bonso badi bananga lupandu luebe, bambe mafuku onso ne, Yehowa atumbishibue.

—Misambu 40:16

Nuenu bantu bimpe, nuikale ne diese mu Yehowa, nusanke: bonso buenu nudi ne mitshima miakane, elayi mbila bua disanka dienu.

—Misambu 32:11

Nusanke mu Mukelenge misangu yonso, nengambe tshiakabidi ne, Nusanke.

—Filipoi 4:4

Bualu bua dikenga dietu dikese dia tshitupa tshipi didi ditamba kutuenzejela bujitu bua butumbi

bua tshiendelele musangu ne musangu.

—II Kolinto 4:17

Wikale ne disanka, wewe muana mukaji wa mu Siona; ela mbila, wewe muana mukaji wa mu Yelushalema; mona, mukelenge webe ulualua kudi; udi ne kalolo, udi ne lupandu.

—Zekaya 9:9a

Kadi kanusanki bua nyuma mibi idi itumikila diyi dienu, kadi nusanke bua mena enu adi mafunda mu diulu.

—Luka 10:20

Kadi bonso badi banyemena kuudi, basanke; bonso badi basue dina diebe, bikale ne disanka kuudi.

—Misambu 5:11

36 WEWE WAKADI KUBENGA LUSE LUENDE KASHIDI, ANYI?

Nsumuinu 8:36

Kadi wangenzele bibi, udi wenzela muoyo wende bibi; badi bankina meme, badi bananga lufu.

Ebelu 12:26

Diyi diende diakazakaja buloba tshikondo atshi, kadi katataka wakutulaya wamba ne, Musangu umue mukuabo kabidi meme nenzakaje, kembuloba nkayabu, kadi ne diulu kabidi.

Luka 13:24, 25

Nuidikije mua kubuela ku mu-shiku wa mbelu mubumbakane; ndi nuambila ne, Ba bungi neba-kebe kubuelaku, nebapange. Pa-bika muena nzubu, pinjileye tshibi, nuenu nenubange kuimana

ku bula nukokola ku tshibi ne, Mukelenge, utunzuluile; yeye neanuandamune ne, Tshiena mumanye kunuakufuma.

*Luse Lubengibue Ludi
Luandamuka Tshiji*

II Tesalonika 2:10-12

Ne kudinga kuonso kua malu mabi kudi batshidi bajimine mu lufu; bualu bua kabakitabuja dinanga dia bualu bulelela bua bobo basungidibue. Bua bualu ebu Nzambi udi ubatumina dienzeja dia dipambuka, bua bobo bitabuje mashimi; bua bonso balumbului-shibue badi kabayi bitabuja malu a bushuwa, kadi badi ne disanka mu malu mabi.

Tente ne Bubi, Mupishibue

Yone 3:18

Kabena balumbuluisha wamuitabuja, kadi bakumana kulumbuluisha wapidia kuitabuja, bualu bua kakitabuja dina dia Muana umuepele mulela wa Nzambi.

Yone 12:48

Wampidia meme ne wapidia meyi anyi udi ne mumulumbuluishi: diyi dinakamba nedimulumbuluishi dituku dia kunshikidilu.

Ebelu 10:26, 27

Bua bituenza malu mabi bua disungula dia mutshima patuakamana kuangata dimanya dia bushuwa, kakuena kushala kabidi munga mulambu bua kubuikidila

nawu mibi, kadi kudi kushala kundi kukuabo kua dilumbulula kudi kukuatshisha buowa, ne kapia kakole nekoshe baluiji bende.

Munangibue ne Mukebidue

I Yone 4:9

Mu muanda ewu dinanga dia Nzambi diakamuenshibua bua bualu buetu, bualu bua Nzambi wakatuma Muanende umuepele pa buloba bua tuetu tuikale ne muoyo bua bualu buende.

Buakabuluibua 22:17

Nyuma ne mukaji musela badi bamba ne, Lua. Udi umvua ambe biende ne, Lua. Ne udi ne nyota, alue biende; udi musue, angate mayi a muoyo tshianana.

38 ANU MUNTU MUPOTE WAKADI KUSUNGULA BUA KUYA KU MUABA WA DIKENGA DIA KASHIDI

Budi Bualu Bupote bua Wewe kuya ku Muaba wa Bafue (ghena) Tshien-ndelege kudi Satana, Pawakadi mua Kuya mu Muaba wa Disanka Dinene kudi Kilisto, ne Kutumba nende Tshien-ndelege.

Misambu 53:1a

Mupote udi wamba mu mutshima wende ne, Kakuena Nzambi.

Luka 11:39, 40

Mukelenge wakamuambila ne, Apu nuenu Bafalese nutu nuvua panyima pa lupanza ne dilonga, kadi munda muenu mudi muule tente ne bunyengi ne malu mabi. Nuenu bapote, muenji wa munda kena muenji wa pa nyima kabidi, anyi?

Matayo 7:26, 27

Muntu yonso udi mumvue meyi anyi aa, kayi watumikila, udi biende bu muntu mupote, wakibaka nzubu wende pa lusenga; mvula yakaloka, misulu yakuula bipupu biakalua biakakuma ku nzubu, nzubu wakupuka; kupuka kuende kuakadi kunene.

Yelemiya 17:11

Bu mudi nkuadi udi mushikame pa makela adiyeye kayi muela; nuku muntu udi upeta bubanji kayi ne bienzedi biakane udi nunku; nebumulekele munkatshi mua matuku ende; kumfudila kuende yeye neikale anu bu mupote.

*Bonso Badi Bapidia Kukokela
Mukelenge wa Butumbi Nebedibue
ku Muab'awu.*

Ebelu 6:8

Kadi bikala buloba bumeneshe meba ne nyiny'a tshisonga, budi bupidibua ne budi pepi ne mularu; kunjikidilu kuabu nkupia.

Filipoi 3:18b, 19a

... Badi bena lukuna lua mutshi mutshiamakane wa Kilisto; kunshikidilu kuabo didi dibutuka, nzambi wabo ndifu diabo...

Matayo 13:41-42

Muana wa muntu neatume banjelo bende, nebasungulule mu bukelenge buende benji ba malu

mabi ne bintu bionso bidi bilenduisha bantu, nebabiele mu tshikutu tshia kapia; muadi newikalumu ne kusumakana menu.

Buakabuluibua 14:11

Ne muinshi wa kapia ka dike nga diabo udi ubanda tshiendelele; ne kabena ne dikisha munya ne butuku, bobo badi bakukuila nyama wa luonji ne tshifuanyikiji tshiende, ne yonso udi wangata tshimanyinu tshia dina diende.

Nzambi Wakatuenzela Malu Makole a Dikema bua Katubuedi Ngena wa Kapia. Wakatuala Dinyoka Dietu Pambidi Pende. Wakapita Muaba wa Bafue Bukole. Wakabika ku Lufu.

40 MUKELANGE WA BAKELENGE NEATEKE SATANA MU LUKANU PADIYE MUSUE

Nakatangila muanjelo upueka panshi ufuma mu diulu, muikale ne luvungula lua ku dina didi kadiyi ne tshishikidilu, ne lukanu lunene mu tshianza tshiende. Yeye wakakuata dragon, nyoka awu wa kale, udi diabololo ne Satana, wakamusuika bidimu tshinunu, ne wakamuela mu dina didi kadiyi ne tshishikidilu, ne wakadinjila, ne wakamutekelapu tshimanyishilu pamutu pende, bua yeye kadingi bisamba bia bantu kabidi, too ne pajika bidimu tshinunu; kunyima kua bualu ebu budiye nabu mbua kusuludibua tshitupa tshipi.

—Buakabuluibua 20:1-3

Pajika bidimu tshinunu, Satana

nealekedibue mu nzubu wende wa lukanu. . . . Ne diabololo wakadi ubadinga wakedibua mu dijiba dia kapia ne soufre, kudi nyama wa luonji ne muprofete wa mashi-mi kabidi, nebakengeshibue mu-nya ne bufuku tshiendelele.

—Buakabuluibua 20:7 ne 10

Satana Udi Mupitshibue Bukole Kashidi

Bualu bua bana bakuabanyangana mubidi ne mashi, yeye muine kabidi wakadiangatshila bintu binebe muomumue; bua ku lufu luende yeye amuvuije tshianana udi ne bukole bua lufu, ndiabololo mene.

—Ebelu 2:14

Matayo 6:24

Muntu kena mumanye mua kukuatshila bamfumu babidi mudimu diakamue; yeye neikale ne mukuabo lukuna ne mukuabo dina nga, anyi nealamate mukuabo neapidie mukuabo. Kanuena bamanye mua kukuatshila Nzambi mudimu ne Mamona diakamue.

Buakabuluibua 21:8

Kadi bua badi ne buowa, ne badi kabayi ne ditabuja, ne bena tshikama, ne bashipianganyi, bate ndekedi ba mpingu, ne bena mashimi bonso, luseke luabo neluikale mu dijiba didi ditema ne kapia ne soufre; didi lufu luibidi.

Bua wewe kubulula mesu abo, bakome nyima ku midima batangile ku munya, bakome nyima ku bukole bua Satana batangile kudi Nzambi, bua bobo bapete dijimija dia mibi yabo ne bupianyi munkatshi mua badi balengejibue ku ditabuja didibo bangitabuja nadi. —Bienzedi 26:18

Yesu wakabakudimuna ne, Bulelela, bulelela, ndi nuambila ne, Muntu yonso utu wenza bubi udi mupika wa bubi, Mupika kena ujikama mu nsubu wa mfumu wende tshiendelele; muana udi ujikamu tshiendelele. —Yone 8:34, 35

Yesu wakamuandamuna ne, Bu wewe mumanye dipa dia Nzambi ne wakukulomba ne, Umpe mayi a kunua, wewe wakadi kumulomba ne yeye wakadi kukupa mayi a muoyo.
—Yone 4:10

Bualu bua Muana wa Mukoko udi munkatshi wa nkuasa wa butumbi neikale mulami wabo, ne neabalombole ku mishimi ya mayi a muoyo. . . .

—Buakabuluibua 7:17

Wakandeja musulu wa mayi a muoyo, matoke too bu ntalatala, ulupuka mu nkuasa wa butumbi wa Nzambi ne wa Muana wa Mukoko munkatshi mua musesu wa

Musoko. Ku muelelu ewu wa musulu ne ku muelelu wawa kuakadi mutshi wa muoyo, ukuama mamuma nzanzu dikumi ne ibidi, ukuama mamuma awu ku ngondo ku ngondo; mabeji a mutshi akadi bua kuondapa nawu bisamba. Mulawu kawena wikalaku kabidi; nkuasa wa butumbi wa Nzambi ne wa Muana wa Mukoko neikalemu; ne bapika bende nebamukua-tshile mudimu.

—Buakabuluibua 22:1-3

Pakalua dituku dia kunshikidilu dia disanka diakadi dituku dinene, Yesu wakimana, wakela diyi diende bikole ne, Bikala muntu ne nyota, alue kundi, anue.

—Yone 7:37

**KUENA MUANJI KUMUMANYA? UMUKEBEYE NE
MUTSHIMA MUJIMA!**

43

Matayo 6:33

Kadi diambedi kebayi bukele-
nge buende ne buakane buende,
nunku nebanupe bintu ebi bionso.

Dutelonome 4:29

Kadi kuakua nenukebe Yehowa
Nzambi wenu, nenusangakene
nende panuamukebe ne mitshima
yenu yonso ne mioyo yenu yonso.

Nsumuinu 8:17

Ndi munange badi banange me-
me; bonso badi bananukila kunke-
ba nebampete.

Luka 11:9

Ndi nuambila ne, Nulombe ne-
banupe, nukebe, nenumone, nuko-
kole nebanunzuluile.

Hoshea 10:12

Nudikunyine bintu mu buaka-
ne, nupuole mu luse; nudime bulo-
ba buenu budi buakane; bualu bua
etshi ntshikondo tshia kukeba
Yehowa too ne palueye bua ku-
nulokeshila buimpe bu mvula.

Yeshaya 55:6

Keba Yehowa paudi mumanye
mua kumusangana; umubikila pa-
tshidiye pabuipi.

Misambu 86:12

Yehowa, Nzambi wanyi, nenku-
tumbishe mu mutshima wanyi
wonso, nentumbishe dina diebe
tshiendelele.

44 BIDIA BIA DIBANJI — YESU UDI UPETA MUKAJI MUSELA

... Lua biebe, nenkuleje mukaji musela, Mukaji wa Muana wa Mukoko. Wakaya nanyi mu Nyuma ku mukuna munene ne mule, wakandeja musoko wa tshijila, Yelushalema upueka panshi, ulupuka mu diulu kudi Nzambi, muikale ne butumbi bua Nzambi. ... Tshiakatangilamu ntempelo; bualu bua Mukelenge Nzambi wa Bukole Buonso, ne Muana wa Mukoko badi ntempelo wawu. Musoko kawena ukengela diba, anyi ngondo bikenkamu; bualu bua butumbi bua Nzambi budi buutemenamu, ne Muana wa Mukoko udi muinda wawu, Ne ba mu bisamba nebendakane mu dinkenka diawu. —Buakabuluibua 21:9b-11a

Buakabuluibua 19:6b-9

... Aleluya, bualu bua Mukelelunge Nzambi wetu, wa Bukole Buonso, udi ukokeshu. Tusanke, tuikale ne disanka dinene, tumupe butumbi, bualu bua Mukajinde wakudilongolola. Bakapa mukaji bua kudiluatshisheye ne tshilulu tshia line tshilengele, tshidi tshikenka ne tshitoke; bualu bua tshilulu tshia line tshilengele tshidi bienzedi biakane bia bansantu. Yeye udi ungambila ne, Funda ne, Badi babikidibua ku bidia bia dibanji bia Muana wa Mukoko badi ne disanka. Yeye udi ungambila kabidi ne, Aa adi meyi malelela a Nzambi.

Kudifila kudiye

... Nudifile kudi Nzambi bu bantu bakubika ku lufu.

—Lomo 6:13b

Udi Munange Udi Umunanga

Ngasa ikale ne bantu bonso ba-bananga Mukelenge wetu Yesu Kilisto ne dinanga didi kadiyi mua kupanga.

—Efeso 6:24

Udi Buobumue

Bualu bua tuetu tуди bitupa bia mubidi wende.

—Efeso 5:30

Bua ku milayi eyi nuenu nulue babanyanganyi nende ba muoyo wa bunzambi... —II Petelo 1:4b

Muujibue Tente ne Bukole

Bua Nzambi

Wakavuijabo muakuidi... kadi

bua bukole bua muoyo udi kauyi ujimina. —Ebelu 7:16

Muujibue ne Dinanga dia Nzambi

Kadi muntu utu walama diyi diende, bulelela, dinanga dia Nzambi diakumana kukumbana munda muende tshishiki.

—I Yone 2:5a

Kayi ne Matoba

Wanyi munanga, wewe udi mulengele be, kakuena ditoba kuudi.

—Musambu 4:7

Nunku, bananga, bualu bua nudi nutekemena malu aa, nanukilayi bua banusangane mu ditalala kanuyi ne katobe, kanuyi ne kadiwu kudiye. —II Petelo 3:14

II Tesalonike 2:8

Pashishe muntu wa bupidia neabuluibue, udi Mukelenge Yesu ulua kushipa ne mupuya wa mukana wende, neamuvuije bu tshintu tshia tshianana ku dimueneka dia kulua kuende.

Buakabuluibua 17:14; 18:21

Ne bobo nebaluangane mvita ne Muana wa Mukoko, ne Muana wa Mukoko neabapite bukole, bualu bua yeye udi Mukelenge wa bakelenge ne Mfumu wa bamfumu; ne bantu badi nende, babikidibue, basungidibue ne ba kueyemena neabapite bukole kabidi. . . . Muanje lo mukuabo mukole wakambu la dibue bu dibue dinene dia kupe-

la nadi, wakadiela mu mayi manene, wamba ne, Nunku Babulona, musoko munene, newedibue panshi ne dipona dinene, ne kawena usanganyibua kabidi tshiendelele.

Zekaya 14:12

Etshi ntshipupu tshidi Yehowa utuma kadi bantu bonso bakadi baluangana ne Yelushalema; minyinyi yabo neifubidile patshidibo bimana ku makasa, mesu neabuitshidile ku tufi tuau ndimi neikamine mukana muabo.

Pashishe, kunshikidilu kulua lua, pafileye bukelenge kudi Nzambi, Tatu mene, pajimijeye makelelunge onso makuabo ne bukokeshi buonso ne bukole. —I Kolinto 15:24

Matayo 6:10

Bukelenge buebe bulue. Benze pa buloba muudi musue bu mudi-bo benza mu diulu.

Matayo 5:5

Badi ne mitshima mipuekela badi ne disanka, bua bobo nebapiane buloba.

Buakabuluibua 20:4b

Ne nakatangila mioyo ya bakoshibue mitu bualu bua buman-yishi buabo bua Yesu, ne bualu bua diyi bia Nzambi, ne bobo bakadi kabayi bakukuila nyama wa luonji, anyi tshifuanyikiji tshien-de, ne bakadi kabayi bangata tshimanyinu pa mpala pabo ne pa

tshianza tshiabo; bobo bakikala ne muoyo, ne bakakokesha ne Kilisto bidimu tshinunu.

Buakabuluibua 11:15b

Bukelenge bua pa buloba buakulua bukelenge bua Mukelenge wetu, ne bua Kilisto wende ne yeye neakokeshe too ne tshien-delele.

Buakabuluibua 20:6

Udi ne luseke luende mu dibika dia ku lufu dia kumudilu udi ne disanka ne udi ne tshijila; lufu luibidi kaluena ne bukokeshi ku mutu kuabo; kadi nebikale bakuidi ba Nzambi ne ba Kilisto, ne nebakokeshe nende bidimu tshinunu.

*Nzambi ne Meme Tudi Tuenda
Diatshimue, Disanka Be!*

Misambu 145:1

Nenkutumbishe, Nzambi wanyi, Mukelenge wanyi. Nemvudijile dina diebe disanka too ne tshiendelele.

Buakabuluibua 21:3b, 4

Tangilayi, nzubu wa tshilulu wa Nzambi udi munkatshi mua bantu, ne yeye neikale nabo, ne bobo nebikale bantu bende; ne Nzambi muine neikale nabo, neikale Nzambi wabo. Yeye neakupule tshinsonshi tshionso ku mesu kuabo; ne lufu kaluena luikalaku kabidi; madilu kena ikalaku kabidi, nansha muadi, nansha ka-

nyinganyinga kabidi; malu a kumudilu akumuka.

I Tesalonike 4:16c, 17

Ne bantu bafue mu Kilisto nebabike diambedi; ne pashishe tuetu batshidi ne muoyo badibo bashiya netuangatshibue nabo popamue mu matutu, bua kusančila ne Mukelenge mu lupepele; nunku netuikale ne Mukelenge tshiendelele.

Buakabuluibua 22:5

Kakuena kuikale butuku kabidi; ne kabena bakengela dinkenka dia muinda, nansha munya wa diba; bualu bua Mukelenge neabateme ne; ne bobo nebakokeshe tshiendelele.

KILISTO UDI WAMBA NE:

“Udi upita bukole nemmupe bua kushikameye nanyi mu nkuasa wa butumbi, bu munakatamba bukole ne munakashikama ne Tatuanyi mu nkuasa wende wa butumbi.”

—Buakabuluibua 3:21



Mona bunene bua dinanga didi Musungidi mutuleje,
Bua kufua ku mutshi wa bundu
Mushiya dikombo diende dia bumfumu, ne nkuasa
wende mulengele,
Bua kusungila muenji wa malu mabi bu meme!

—I. N. McHose

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org